



UMHVERFISSTOFNUN

# Þjóðgarðurinn Snæfellsjökull og friðlönd í nágrenninu







## Þjóðgarðurinn og friðlönd í nágrenninu

Þjóðgarðurinn Snæfellsjökull var stofnaður 28. júní árið 2001 í þeim tilgangi að vernda bæði sérstæða náttúru svæðisins og merkilegar sögulegar minjar. Jafnframt er markmiðið að auðveldra fólk i að ferðast um svæðið og kynna því. Þjóðgarðurinn Snæfellsjökull er vestast á Snæfellsnesi og flatarmál hans er um 170 km<sup>2</sup>. Að sunnan liggja mörk hans um austurjaðar Háahrauns í landi Dagverðarár en að norðan á austurmörkum Gufuskálalands. Jökulhetta Snæfellsjökuls er innan

þjóðgarðsins. Þjóðgarðurinn hefur þá sérstöðu meðal íslenskra þjóðgarða að vera sá eini sem nær í sjó fram. Tvö friðlönd og eitt náttúrvætti heyra undir stjórn þjóðgarðsins.

Búðahraun er á sunnanverðu Snæfellsnesi og var austurhluti þess gerður að friðlandi árið 1977, alls rúmir 9 km<sup>2</sup> að flatarmáli. Hraunið er eitt fugursta gróðurlendi landsins þar sem um 130 tegundir háplanta hafa fundist, þ.á.m. 11 af þeim 16 tegundum burkna sem vaxa á Íslandi.

Ströndin við Arnarstapa og Hellna var gerð að friðlandi árið 1979 og er friðlandið um 0,6 km<sup>2</sup> að stærð. Þar eru



sérkennilegar klettamyndanir sem hafa mótað af briminu og óvíða er hægt að skoða ritu í jafnmiklu návígí og í gjám á Arnarstapa. Náttúrvættið Bárðarlaug er rétt ofan við Hellna. Bárðarlaug er forn gígur með tjörn í botni sem ísaldarjökullinn hefur sorfið. Þjóðgarðar og friðuð svæði eru þjóðareign sem frjálst er að fara um, en virða ber þær reglur sem þar gilda.

## Landslag

Strönd Snæfellsness er fjölbreytileg þar sem skiptast á grýttir vogar, strendur með ljósum eða svörtum sandi og snarbrattir sjávarhamrar, með iðandi fuglalífi um varptímann. Láglendið

innan þjóðgarðsins er að mestu hraun sem runnið hafa frá Snæfellsjökli eða eldvörpum á láglendi. Hraunin eru viðast þakin mosa en inn á milli má finna fallega, skjólsela bolla með gróskumiklum gróðri. Láglendið á sunnanverðu Snæfellsnesi er forn sjávarbotn sem risið hefur síðan ísöld lauk. Hamrabeltin upp af láglendinu eru því gamlir sjávarhamrar.

Snæfellsjökull gnæfir tignarlegur yfir umhverfinu og greinilega má sjá hvernig hraunstraumar og hraunfossar hafa runnið niður eftir hlíðum hans. Undirfjöll hans, svo sem Hreggnasi, Geldingafell og Svörtutindar, eru margbreytileg að lögun. Eysteinsdalur



gengur upp frá láglendinu að norðanverðu og þar er komið í annað landslag, dal girtan fjöllum sem kalla á göngufúsa fætur. Ofar í landinu og nær Jökulhálsi eru vikurflákar og land sem er nýlega komið undan jöklum.

Norður af Búðum eru Mælifell og Axlarhyrna áberandi fjöll. Frá Arnarstapa og Hellnum blasir við sjónum Stapafellið sem er 526 m hátt móbergsfjall. Efst á því eru hamrar sem kallast Fellskross.

Nokkrir fallegir fossar eru á svæðinu. Bjarnarfoss fellur fram af hamrabeltinu í hlíðarbrúninni upp af Búðum. Í honum stendur fjallkona og falla úðaslæðurnar um herðar henni og barm. Hún sést best frá veginum, þaðan sem beygt

er niður að Búðum, og ofan frá Fróðárheiði. Klukkufoss er við rætur Hreggnasa og er stuðlaberg allt um kring. Nokkru austar, í Blágili, falla tveir fossar í einn hyl og hafa þeir verið nefndir Þverfossar.

## Jarðfræði

Jarðfræði Snæfellsness er afar fjölbreytt og þar eru jarðmyndanir frá nær öllum tímabilum í jarðsögu Íslands. Eldstöðvakerfið sem kennt er við Snæfellsjökul er sterkt landslagsheild og sýnir menjar eftir einstæð eldsbrot, bæði frá síðasta jökluskeiði og eftir að ísöld lauk. Kerfið er u.p.b. 30 km langt og nær frá Mælifelli í austri að Öndverðarnesi í vestri og jafnvæl lengra.

Yfir 20 hraun tilheyra kerfinu. Lífað eldstöðvakerfisins er kvikuþró sem liggar á nokkura kílómetra dýpi undir jöklinum sjálfum.

Mest ber á jarðmyndunum frá síðasta jökluskeiði og nútíma í og við þjóðgarðinn. Fjöllin norðan Snæfellsjökuls eru úr móbergi og hafa myndast við gos undir jöklum eða í sjó. Svalpúfa er líklegast austurhluti gígs sem gosið hefur í sjó og Lóndrangar gitgappar. Hraun eru áberandi í landslagi þjóðgarðins, bæði úfin apalhraun og sléttari helluhraun. Stór hluti peirra hefur runnið úr

Snæfellsjökli, bæði úr toppgígnum og úr gígum í hlíðum fjallsins. Hraunmyndanir eru margbreytilegar og fallegar og eru svæðið auðugt af hellum. Ferðamönnum er eindregið ráðið frá því að fara í þá nema í fylgd kunnugra. Á láglendi eru eldvörpin Purkhólar, Hólahólar, Saxhólar og Öndverðarneshólar og umhverfis eru hraun sem runnið hafa úr þeim.

Búðahraun er nefnt Klettshraun í fornnum heimildum og eldstöðin í miðju hrauninu heitir Búðaklettur. Búðaklettur er þó ekki klettur heldur



LÓNDRANGAR



88 m hár gíkur og úr honum rann hraunið fyrir 5000–8000 árum. Austurhluti Búðahrauns er helluhraun og þar hafa fundist nokkrir hellar, pekktaстur peirra er Búðahellir. Margar sögur eru til um hellinn, m.a. var talioð að hann væri botnlaus og göng lægu úr honum undir Búðaklett og í sjó fram. Göngin áttu að liggja að Djúpaskeri en það er austur undan Búðahrauni. Hraunið stendur á sjávarbotni og leikur sjór um undirstöður þess. Sjór kemur jafnvel upp í dýptu gjótum á stórstrauðsflóði. Meðal jarðfræðinga er hraunið pekkt fyrir þrídlött berg, gulgrænir dílar eru ólivín, hvítir plagióklas og svartir dílar eru pýroxen. Nánast hreinn olívínsandur finnst í fjörnum við Búðir, sem er sjaldgæft

hér á landi. Hellnahraun nefnist hrauntungan ofan við Arnarstapa og Hellna. Það er talioð vera um 4000 ára og rann úr gíg nærrí Jökulhálsi sem nú er hulinn jöкли.

## Snæfellsjökull

Snæfellsjökull er 1446 m hár og hefur oft verið kallaður konungur íslenskra fjalla. Hann var lengi talinn hæsta fjall landsins. Eftir því sem best er vitað klifu Eggert Ólafsson og Bjarni Pálsson tindinn fyrstir manna, árið 1754 frá Ingjaldshóli.

Fjallioð er virk eldkeila sem hefur hlaðist upp í mörgum hraun- og sprengigosum á síðustu 800 þúsund árum.

Toppgígurinn er um 200 metra djúpur,

fullur af ís og girtur íshömrum. Hæstu hlutar hans eru þrjár þúfur á barmi gígskálarinnar, kallaðar Jökulpúfur og er Miðþúfan peirra hæst. Jökullinn hefur minnkad á undanförnum árum og er nú um 11 km<sup>2</sup> að flatarmáli. Hlíðar jökulsins eru einkar fallegar og víða fléttast hraunið í reipum niður hlíðarnar. Síðast gaus í jöklinum fyrir um 1800 árum og var það stórgos. Þá barst ljós aska yfir norðanvert Snæfellsnes og Vestfirði. Hraun rann niður suðurhlíðar fellsins og er t.d. Háahraun úr því gosi.

Sagt er frá því í Bárðar sögu Snæfellsáss að Bárður hafi gefist upp á samneytti við fólk og að lokum gengið í jökulinn. Upp frá því er Bárður af sumum talinn verndari svæðisins. Jökullinn hefur orðið bæði innlendum og erlendum skáldum og listamönnum að yrkisefni og veitt öðrum innblástur í gegnum tíðina. Sumir finna sterkt áhrif frá jöklinum og telja að hann sé ein af sjö stærstu orkustöðvum jarðar.

## Gróður

Jarðvegur á utanverðu Snæfellsnesi er víða gljúpur og heldur illa vatni en gróðurlendi er þó margbreytilegt, frá fjöru til fjalls. Strandgróðurinn er afar fjölskrúðugur og víða eru tærar tjarnir með litfgóru þangi og para. Mosin er oft pykkur á hraunum og blómjurtir í bollum og gjótum. Trjágróður er takmarkaður, og engin há tré, en finna má birki- og reynihíslur í hraunjótum. Á meðal sjaldgæfра tegunda sem vaxa á svæðinu eru skrautpuntur og

ferlaufungur sem er friðlyst tegund. Lyngmóar eru útbreiddir á Snæfellsnesi og víða góð berjalönd. Búðahraun var friðað að stórum hluta vegna grósku og fjölbreytileika gróðursins. Meginástaða þessa mikla gróðurs er talin vera sú að sjór leikur um undirstöður hraunsins og er raki því mikill og loftskipti góð. Viða í hrauninu hafa myndast einkennilegir katlar, og í þeim og öðrum dældum er eitt furðulegasta gróðurskrúð sem fyrirfinnst hér á landi. Fundist hafa rúmlega 130 tegundir plantna í hrauninu og við fyrstu sýn veikja burknarnir oftast mesta athygli. Alls hafa fundist 16 tegundir burkna á Íslandi og af þeim vaxa 11 í Búðahrauni. Fjöllaufungur, dílaburkni og stóriburkni



## TOPPSKARFUR



þar sem hún liggur á. Egg ritunnar eru tvö og hreiðrið límir hún með munnavtni og driti á snasir og mjóar syllur sjávarklettanna. Teistur sjást helst við Malarrif og Lóndranga. Máfar verpa á við og dreif. Af máfategundum eru svartbakur, silfurmáfur, hvítmáfur og sílamáfur algengir. Þúfubjarg og Saxhólsbjarg eru aðgengileg fuglabjörg en betra að fara að öllu með gát. Votlendisfuglar eru fáliðaðir og hvergi stór vörp. Í Beruvík eru fallegar tjarnir sem ýmsar tegundir fugla heimsækja. Oft má sjá óðinshana á tjörnumunum ofan við Pumpu á Arnarstapa. Fuglinn er bekjur fyrir að hringsnúast við ætisleit. Söngur algengra fugla heyrist gjarnan, svo sem heiðlóu, spóða, þúfutíttlings, sólskríku og steindipils. Maríuerla, tjaldur, sandlöa, sendlingur, hrafn og rjúpa eru algeng. Skógarþróstur er í hraungjótum og nálægt byggð. Haför varp í Lóndrögum fram yfir aldamótin 1900. Fálki og smyrill eru fágætur. Vor og haust æja fargestir, fuglar sem

verpa norðar, eins og tildra, margæs og rauðbrystingur. Fleiri tegundir koma við, þótt í minna mæli sé. Æðarfugl er algengasta andategundin við ströndina. Stór kriuvörp eru á Arnarstapa og í Rifi sem er eitt stærsta kriuvarp Evrópu, en einnig verpir hún á Öndverðarnesi. Krían er einkennisfugl Snæfellsbæjar og heillandi á sinn hátt, fingerður og tignarlegur fugl og dugleg að vernda unga sína. Margir verða hálfsmeykir við kríuna þar sem hún ræðst gegn óboðnum gestum og á það til að gogga þá í höfuðið. Þegar vetur er hér á landi heldur krían sig á suðurhveli jarðar, líklega við Ísrönd Suðurskautlandsins. Til þess að njóta bjártra sumarnáttá yfir varptímann hefur hún komið sér upp sérstakri flugtækni og getur langflug hennar numið allt að 40.000 km á ári.

daga í hrauninu, og ef horft er eftir hinu smáa má sjá ýmis smádýr trítlá um.

## Sagan

Vestasta hluta Snæfellsness er ekki oft getið í fornritum en þá helst í tengslum við skreidarflutninga undir Jökli. Bárðar saga Snæfellsáss er þekktasta sagan sem gerist á þessu svæði, en hún þykir full ævintýrleg og er ekki talin áreiðanleg. Vitað er um bæjarrústir frá landnámstíð, t.d. rústir bæjanna á Forna-Saxhóli, Berutóftir og Írskubúðir. Fyrir ofan Gufuskála er fjöldi fiskbyrgja sem enginn veit hverjir hlóðu en þau eru talin vera 500-700 ára gömul og elstu minjar um sjávarútgjerð á Norðurlöndum.

## KRÍUR ÁÐ RÍFAST



eru mest áberandi, enda stærstir, en tófugras er algengt og þrílaufungur og þríhyrnuburkní vaxa víða. Í hrauninu er einnig að finna blómhlendi og vallendisbolla, lyngfláka, mosapembur og klettagrður, birkirunna og stöku reynitré. Af tegundum sem nái mikilli hæð í hrauninu má nefna mjáðurt, blágresi og sóleyjar. Í sandinum má m.a. finna túnvingul og melgresi, tágamuru, klóelftingu, brennisóley, holurt, blöðberg, hvítmöðru, lambagras og túnffil.

## Fuglar

Eins og að líkum lætur eru sjófuglar mest áberandi á svæðinu og verpa þeir meðfram allri ströndinni. Má þar nefna langvíu, stuttnefju, álku, fyl, ritu og toppskarf. Toppskarfur er fimm kafarí og gott er að sjá hann frá Arnarstapa.



RITUR

Hann verpir í pyrringum á lágum klettum og hólum en á varptímanum hafa fullorðnu fuglarnir fjaðurtopp á höfðinu. Á Arnarstapa er einnig auðvöld að komast í mikla nálægð við rituna



Önnur kenning um byrgin er sú að þau hafi verið bænastaðir írskra manna. Um miðja 13. öld fór að lífna yfir fiskveiðum við Ísland og er líklegt að þá hafi fólk tekið að fjölgla undir Jökli. Kirkja var á Ingjaldshóli fyrir 1200 og ný kirkja var reist árið 1317 eða 1318. Kirkjan var snemma þriðja stærsta kirkja landsins á eftir dómkirkjunum á Hólum og í Skálholti. Ber það vitni um að fjölmennt hafi verið í byggðunum þar í kring, a.m.k. hluta úr árinu. Kirkjur voru einnig á Einarsslóni og Saxhóli og bænhús á Öndverðarnesi fram á miðja 16. öld. Útræði var viða undir Jökli fyrir á oldum og minjar frá þeim tíma eru vel aðgengilegar. Á mörgum stöðum er lending hættuleg og aðstaða erfioð svo að þar lagðist sjósókn af þratt fyrir nálagð við göð fiskimið. Útgerðin var árstíðabundin og því breytilegt hversu margir buggu í heraðinu. Líklega er Dritvík þekktasta vorstöðin. Þar var um hrið stærsta vorútver landsins og eru þaðan oft 40 til 60 skip með 200

til 600 vermönum. Á 19. öld lögust útverin af vegna breytrra veiðiháttar og verkunaraðferða. Með nýri tækni í útgerð og breyttum lifnaðarháttum urðu aðstæður aðrar og vegur þorpanna jókst. Þéttbýlisstaðirnir yst á Snæfellsnesi, Hellissandur, Rif og Ólafsvík, eru allir gamlir útgerðar- og verslunarstaðir. Enn þann dag í dag eru þetta miklar útgerðarstaðir og mannlíf þar blómlegt.

## Búðakirkja

Búðarkirkja var fyrst reist árið 1703 af Bent Lárussyni kapmanni á Búðum. Kirkjan grotnaði niður en var endurreist af Steinunni Sveinsdóttur árið 1848. Sagan segir að það hafi verið að bón Bents, sem hafi vitjað Steinunnar í draumi. Árið 1984 var kirkjan flutt í heilu lagi úr gamla kirkjugarðinum á núverandi grunn. Kirkjan var endurgerð í þeiri mynd sem hún var talin hafa verið 1848. Hún var endurvígð árið 1987 og er friðuð safnkirkja í

eigu bjóðminjasafns Íslands, en er í vörlu sóknarnefndar. Yfir Búðum og kirkjunní þykir hvíla rómantískur blær og er vinsælt að gifta sig þar.

## Búðir

Búðir geyma mikilvægan kafla úr atvinnusögu Íslands. Í Eyrbyggju er talað um Hraunhafnarós (Búðaós) sem verslunarhöfn strax á fyrstu oldum Íslandsbyggðar. All nokkurn spöl suður með hraunjaðrinum, um þrjá kílómetra frá hótelinu, eru Frambúðir. Þaðan mun hafa verið útræði allt frá landnámsöld og áttu margar jarðir þar uppsátur fram eftir oldum. Þar má enn sjá rústir verbúðanna, sem Búðir draga nafn sitt af, auk fiskreita og grjótgarða, lýsis- og lifrargryfja og verslunarhúsa Brimakupmannna. Verslunarhúsin voru seinka flutt austur fyrir ósinn og þar stóð verslunin um 130 ára skeið. Aðfaranótt 9. janúar 1799 gerði eitt hið ofsafengnasta veður sem sögur fara af. Hélst í hendur við rokið stórrigning,

þrumur og eldingar, hafrót og sjávargangur. Í Staðarsveit gekk sjórinn 1500 faðma upp fyrir stórstrausfjöru og tók nærri af Búðakaupstað. Aldamótaárið 1800 var verslunin því aftur flutt vestur fyrir ósinn.

Samkvæmt manntali 1703 hafa kringum 100 manns verið til heimilis á Búðum og um langt skeið stóðu Búðir í nánu og beinu sambandi við afkomu fjölmennra sveita. Frá Hvítá í Borgarfirði og vestan frá Öndverðarnesi sötti folk verslun að Búðum. Við rætur Axlarhyrnu er bærinn Öxl. Á þeim bæ, sem stóð til forna við gömlu þjóðleiðina Jaðargötu, bjó fjöldamorðinginn Axlar-Björn. Hann játaði á sig níu morð á ferðamönnum en sumir töldu hann þó hafa drepið 18 manns. Sagan segir að líkin hafi verið geymd í Iglutjörn sem liggur í hraunjaðrinum. Axlar-Björn var lífláttinn árið 1596 og dysjaður í þrennu lagi á Laugarholtinu við Hellna. Þannig var komið í veg fyrir að hann gengi aftur.



BÚÐAKIRKJA



## Arnarstapi og Hellnar

Arnarstapi og Hellnar og örnefni í nágrenninu eru samofin Bárðar sögu Snæfellsáss sem var hálfur maður og hálfur tröll. Bárður gekk á land í Djúpalóni og baðaði sig í Bárðarlaug. Skammt frá gerði hann sér bæ stóran sem hann nefndi Laugarbrekku og bjó þar á meðan hann dvaldist meðal manna. Porkell, bróðir Bárðar, bjó á Arnarstapa. Hann átti two syni, Rauðfeld og Sölv. Dætur Bárðar ólust upp á Laugarbrekku, miklar og ásjálegar. Helga var þeirra elst. Porkelssynir og Bárðardætur léku sér saman og eitt sinn þegar hafis lá við land hratt Rauðfeldur Helgu út á sjó á ísjaka. Helgu rak til Grænlands og sakaði hana ekki en á Bárð rann ofsi. Hann hrinti Rauðfeldi í Rauðfeldargjá og Sölvu fram af Sölvhamri. Eftir þetta hvarf Bárður í Jökulinn.

Auðæfi hans eru sögð geymd í Bárðarkistu, kistulaga móbergsfjalli upp af Saxhólsdal. Margir trúa því að Bárður vaki yfir svæðinu undir Jökli. Hlaðin mynd af Bárði Snæfellsáss eftir Ragnar Kjartansson stendur við ströndina á Arnarstapa. Mikil byggð var áður á Arnarstapa og bjuggu þar um 150 manns í byrjun 18. aldar en á Arnarstapa var ein af höfnum einokunarverslunarinnar. Fáar fjölskyldur búa nú á Arnarstapa allt árið um kring en á sumrin fyllist staðurinn jafnt af fuglalífi sem mannlífi, með smábátaútgörð og sumarhúsabyggð. Höfnin á Arnarstapa er umlukin stuðlabergsstöpum, gjám og skútum. Með vélbátaútgörð voru gerðar lendingarbætur á Arnarstapa um 1933 og er þar gott lægi fyrir smábáta. Gamalt vikurport er upp af höfninni og eru það merkar minjar úr iðnsögu

Íslendinga. Á fjórða áratug 20. aldar hófst vinnsla á víkri úr Snæfellsjökli og stóð hún í rúm 30 ár. Vikurinn var unninn á Jökulhálsi og í byrjun var honum fleytt niður að Arnarstapa eftir trérennum sem enn sjást. Víkrinum var safnað í vikurportið og síðan fleytt um borð í skip sem flutti hann til Reykjavíkur en einnig til útlanda. Úr honum voru m. a. framleiddar vikurplötur sem voru notaðar til að einangra hús og í milliveggi. Upp af bryggjunni er Barnapúfa og Barnapúfubarð. Nokkuð utar er


stakur klettur úti í sjónum sem heitir Arnarklettur. Enn lengra er Kórsnef og þar fram af Pálsklettur. Milli Lendingarkletts og Arnarkletts er sérkennileg klettakví sem nefnist Kór. Vestur af Pálskletti skerst inn langur og þróngur vogur með malarfjöru. Hann nefnist Pumpa. Rétt vestan við vitann eru svonefnar Stapagjár. Þær eru mikli hellisskútar sem sjórinn hefur á lögum tíma brotið og sorfið í stuðlabergsklettana. Gjárnar eru þrjár og heita Eystrigjá, Miðgjá og Músargjá. Mikið er af fugli í gjánum, aðallega ritu.

Hellnar voru um aldir ein af stærstu verstöðvunum undir Jökli. Í byrjun 18. aldar bjuggu þar um 200 manns, ýmist á grasþýlum eða í purrabúðum. Margar forminnar vitna um liðna tíma s.s. brunnar og hleðslur. Órnefnið Gróuhóll kemur fyrir í Bárðar sögu en neðan og undir hólnum er falleg fjara, þaðan var róið. Austan við víkina teygist fram

bergrani sem heitir Valasnös og þar er Baðstofa, einhver sérkennilegasti hellir hér á landi. Í klettunum upp af fjörunni er Sauðahellir, gamall fjárhellir sem opinn er í báða enda. Hellnakirkja var reist árið 1945 á fögru kirkjustæði, þar var fyrst reist kirkja árið 1883.

## Gestastofa

Gestastofa þjóðgarðsins er á Hellnum. Hún var opnuð sumarið 2004 í fyrverandi fjárhúsum. Gestastofan er opin alla daga yfir sumarið frá kl. 10 - 18 og eftir samkomulagi á öðrum árstínum. Þar má nálgast upplýsingar og fræðslu um svæðið undir Jökli hjá landvörðum sem þar starfa. Þema



ÚR GESTASTOFU

## Á MILLI ARNARSTAPU OG HELLNA



sýningarárinnar í gestastofunni er vermaðurinn og náttúran og er leitast við að sýna hvernig vermenn nýtu náttúruna til að sjá sér farborða. Höfðað er til allra skilningarávita og eru gestir hvattir til að smakka, lykta og reyna. Hægt er að finna eitthvað skemmtilegt fyrir fólk á öllum aldri í gestastofunni.

## Aðkoma og þjónusta

Margt hefur breyst til hins betra í þjónustu við ferðamenn frá því að Axlar-Björn kom líkunum af þeim ferðamönnum sem hann myrti fyrir í Iglutjörn. Vegur 574, Útnesvegur, liggr að friðlöndunum og um þjóðgarðinn.

Starfsmenn þjóðgarðsins eru reiðubúrir til aðstoða gesti eftir fremsta megni og veita þeim upplýsingar. Þeir bjóða upp á skipulagðar göngu- og fræðsluferðir og eru gestir hvattir til að kynna sér þær og taka þátt í þeim. Engin gisti-eða veitingaaðstaða er í þjóðgarðinum sjálfum. Tjaldsvæði eru hvorki innan hans né á Búðum en á Arnarstapa er tjaldsvæði. Göngu- og hjóleiðamenn mega tjalla til einnar nætur í þjóðgarðinum. Gisti- og veitingastaðir eru á Búðum, Arnarstapa og Hellnum. Úrvall gisti- og veitingahúsa auk tjaldsvæða, er í nágrenni svæðanna og þjóðgarðsins. Sundlaugar eru í Ólafsvík, á Lýsuhóli, í Grundarfirði og Stykkishólmi. Næstu matvöruverslanir eru á Hellissandi, Rifi og í Ólafsvík. Bensínafgreiðslur eru á sömu stöðum og einnig á Arnarstapa og Vegamótum.

## Ágæti ferðamaður

Öllum er frjálst að ganga um land þjóðgarðsins og friðlandanna en ætlast er til að merktum gönguleiðum sý fylgt þar sem þær eru fyrir hendi. Akstur er leyfður á akvegum og merktum slóðum og hjóleiðar einnig. Hestaumferð er heimil á merktum reiðleiðum. Þeir sem hyggjast fara með hesta um þjóðgarðinn eru beðnir um að hafa áður samband við starfsmenn hans.

Göngum vel um náttúruna og vinnum ekki spjöll á henni, svo sem með því að rífa upp gróður, raska jarðmyndunum eða trufla dýralif. Kveikjum ekki eld á víðavangi og tökum allt sorp með

okkur. Höfum hunda og önnur gæludýr í bandi og þrifum eftir þau úrgang.

Tilgangur friðlýsingar er að vernda náttúru landsins á þann hátt að fólk gefist kostur á að njóta hennar. Með friðun er tekið frá land fyrir eðilega framvindu náttúrunnar, útvist og upplifun manna á náttúrunni. Aukin þekking og skilningur almennings og virk þátttaka í náttúruvernd eru grundvallrartriði til að ná fram þessum markmiðum.

## Virðum reglur og rétt fólks til að njóta náttúrunnar.



ÚR GESTASTOFU



## UMHVERFISSTOFNUN

Suðurlandsbraut 24 - 108 Reykjavík

Sími: 591 2000 - Fax: 591 2020

Sími þjóðgarðs: 436 6888 eða 436 6860  
snaefellsjokull@ust.is [www.umhverfisstofnun.is](http://www.umhverfisstofnun.is)



Texti: Þjóðgarðurinn Snæfellsjökull Guðbjörg Gunnarsdóttir og Ragnhildur Sigurðardóttir  
Ljósmyndir Jóhann Öli Hilmarsson, Gunnar Öli Sigmásson, Snævarr Guðmundsson, Guðbjörg  
Gunnarsdóttir og Linda Björk Hallgrímsdóttir. Kortagerð: Jón Örvær Geirsson Jónsson.

Kortin voru gerð samkvæmt gognum frá Landmælingum Íslands.

Umbrot: Einar Guðmann. Prentun: Guðjón Ó - vist æn prentsmiðja Útgafunúmer: UST-2009:06